

FERIA SEXTA

POST DOMINICAM I. QUADRAGESIMÆ.

DE LANCEA ET CLAVIS DOMINI N. J. C.

DUPLEX MAJUS.

IN I. VESPERIS.

Añce. et Capit. de Laudib. Psalmi de Dominica et loco ultimi Psalmi. Laudate Dóminum omnes gentes.

HYMNUS.

QUÆNAM língua tibi, o Lancea, débitas
Grates pro mérito est apta repéndere?
Christi vivíficum namque áperis latus,
Unde Ecclésia náscitur.

Hæc est Heva viri de látere éxiens,
Olli membra gravis dum sopor óccupat;
Hanc quippe alter Adam, corde scaténtibus
Unda et sángine, prócreat.

O clavi, æqua manet vos quoque grátia,
Christi quando sacris ártubus ínsiti,

Delétum Dómini sángine figitis,
Mortis chirógraphum cruci.

Te, Jesu, Súperi láudibus éfferant,
Qui clavórum áditus, signáque Lanceæ
In cœlo rélines, vivus ubi ímperas,
Cum Patre atque Paráclito.—Amen.

Y. Fodérunt manus meas et pedes meos.

R. Dinumeravérunt ómnia ossa mea.

AD MAGNIFICAT.

Aña. Delens quod advérsus nos erat
chirógraphum decréti, quod erat contrárium
nobis, et ipsum tulit de médio, affigens illud
Cruci.

Oratio ut ad Laudes.

In fine Hymnórum dicitur: Clavis foráto et
Lancea ut *infra ad Matut.*

AD MATUTINUM.

Invitatorium. Christum Lancea et Clavis
vulnerátum, * Veníte adorémus.

Psalm. Veníte exultémus.

HYMNUS.

SALVÉTE, Clavi et Lancea
Squalóre nuper óbsita,

Quæ mersa Christi corpore,
Almo rubetis sanguine.

Vos ad scelus Judæica
Elégerat perfidia:

Sed in ministra gratiæ
Vos vertit e cælo Deus.

Nam quot sacratis artibus
Sculpsistis olim vulnera,
E tot reclusis fontibus
Dona éffluunt cælestia.

Clavis forato et Lancea,
Jesu, tibi sit gloria,
Cum Patre et almo Spiritu,
Nunc, et per omne sæculum. Amen.

Si omissus sit Hymnus ad Vesperas, dicatur ad Matutinum, et Hymnus Matutini jungatur cum Hymno ad Laudes.

In primo Nocturno.

Añã. Ad Jesum autem cum venissent, non fregérunt ejus crura, sed unus militum lancea latus ejus aperuit.

Psalm. 1. Beatus vir, ut in folio 64.

Añã. Exiit sanguis et aqua; et qui vidit, testimónium perhibuit, et verum est testimónium ejus.

Psalm. 2. Quare fremuerunt, ut in folio 37.

Añã. Alia Scriptúra dicit: Vidébunt in quem transfixérunt.

Psalm. 3. Dómine, quid multiplicáti, ut in folio 19.

Y. Quem tu percussisti, persecúti sunt.

R. Et super dolórem vúlnerum meórum addidérunt.

De Zacharía Prophéta.

Lectio I.

Cap. 12.

HÆC dicit Dóminus: Effúdam super domum David, et super habitatóres Jerúsalem spíritum gratiæ et precum, et aspicient ad me, quem confixerunt. Et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, sicut planctus Adadrémom in campo Magéddon. Et planget terra, familiæ et familiæ seórsum; familiæ domus David seórsum; et mulieres eórum seórsum; familiæ domus Nathan seórsum, et mulieres eórum seórsum; familiæ domus Levi seórsum, et mulieres eórum seórsum; familiæ

Sémei seórsum, et mulieres eórum seórsum. Omnes familiæ réliquæ, familiæ et familiæ seórsum, et mulieres eórum seórsum.

R. Ad Jesum autem cum venissent, ut viderunt eum jam mórtuum, non fregérunt ejus crura, * Sed unus mílitum láncea latus ejus apéruit.

Ÿ Et qui vidit, testimónium perhíbuit, et verum est testimónium ejus. * Sed unus....

Lectio II.

Cap. 13.

IN die illa erit fons patens dómui David, et habitántibus Jerúsalem, in ablutióne peccatóris et menstruatæ. Et erit in die illa, dicit Dóminus exércituum: Dispérdam nómina idolórum de terra, et non memorabúntur ultra; et pseudoprophétas et spíritum imúndum áuferam de terra. Et erit, eum prophetáverit quispiam ultra, dicent ei pater ejus et mater ejus, qui genuérunt eum: Non vives, quia mendácium locútus es in nómine Dómini, et configent eum pater ejus et mater ejus, genitóres ejus, cum prophetáverit. Et erit: In die illa confundéntur prophétæ, unusquisque ex visióne sua cum prophetáverit; nec operiéntur pallio sáccino, ut

mentiántur; sed dicet: Non sum prophéta; homo agrícola ego sum; quóniam Adam exéplum meum ab adolescéntia mea.

R. Unus mílitum láncea latus ejus apéruit, * Et contínuo exívit sanguis et aqua.

Ÿ. In die illa erit fons patens dómui David et habitántibus Jerúsalem. Et....

Lectio III.

ET dicétur ei: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea suscitáre super pastórem meum, et super virum cohæréntem mihi, dicit Dóminus exércituum: pércute pastórem, et dispergéntur oves, et convértam manum meam ad párvulos. Et erunt in omni terra, dicit Dóminus: partes duæ in ea dispergéntur, et deficient; et tértia pars relinquetúr in ea. Et ducam tértiam partem per ignem, et uram eos sicut úritur argéntum, et probábo eos sicut probátur áurum. Ipse vocábit nomen meum, et ego exáudiam eum. Dicam: Pópulus meus es; et ipse dicet: Dóminus Deus meus.

R. In die illa erit fons patens dómui

David, et habitantibus Jerúsalem, * In ablutionem peccatoris et menstruatae.

℣. Hic est, qui venit per aquam et sanguinem, Jesus Christus. * In ablutionem.....

Glória In ablutionem

In secundo Nocturno.

Añã. Aspicient ad me, quem confixerunt; et plangent eum planctu quasi super unigenitum.

Psalm. 4. Cum invocarem *ut in folio 65.*

Añã. Quid sunt plagae istae in medio manuum tuarum?

Psalm. 5. Verba mea *ut in folio 68.*

Añã. His plagatus sum in domo eorum, qui diligebant me.

Psalm. 8. Domine, Dominus noster *ut in folio 70.*

℣. Ipse vulneratus est propter iniquitates nostras.

℞. Attritus est propter scelera nostra.

Sermo Innocentii Papae Sexti.

Lectio IV.

In decreto de Festo Lanceae et Clavorum Domini.

IN Redemptoris nostri Domini Jesu Christi

sacratissima passione sic nos gloriari oportet, ut ipsius passionis cuncta mysteria dinumerantes et merita, singulis etiam ejus salutaribus instrumentis gloriemur. Inter quae illud celebriter memorandum est, quod ipse Salvator, emisso in cruce jam spiritu, sustinuit perforari Lancea latus suum, ut inde sanguinis et aquae profluentibus undis, formaretur unica et immaculata ac virgo, sancta mater Ecclesia sponsa sua. O beatissima ipsius sacri lateris apertura, unde nobis tot et tanta divinae pietatis dona fluxerunt! O felix Lancea, quae tot bona nobis efficere, et ad tanti triumphus gloriam meruit superaddi!

℞. Hic est qui venit per aquam et sanguinem, Jesus Christus, * Non in aqua solum, sed in aqua et sanguine.

℣. Tres sunt qui testimonium dant in terra, Spiritus, aqua, et sanguis: et hi tres unum sunt. * Non in aqua

Lectio V.

HAEC latus ipsum aperiendo, sacratissimas januas nobis regni caelestis aperuit. Haec vulnerando jam mortuum, vulnera nostra

sanávit, vitámque nobis réddidit et salútem. Hæc innóxium transfigendo, illius ságuine culpas nostras abtérst; et demum ejúsdem sacratíssimis undis irrigáta, cœcitatís nostræ ténebras sústulit, et nos ipsius divínæ pietátis flúviis mundávit. Illi étiam dulces Clavi, quibus ipse Salvátor eidem cruci fuit affixus, quique non solum immaculáto respérgi ságuine, et molem ferre tanti pónde-
ris meruerunt; sed et nos etiam per ipsórum salutíferas plagas dulcédinem tantam ipsius divínæ charitátis accévimus, ut manus nostræ a peccáti solútæ néxibus, pedésque nostri a mortis láqueis fúerint liberáti, sunt devotíssime recoléndi.

R. Quóniam circumdedérunt me canes multi, concílium malignántium obsédit me. * Foderunt manus meas, et pedes meos.

V. Dicétur ei: Quid sunt plagæ istæ in médio manuum tuárum? * Foderunt....

Lectio VI.

Quid enim vúlnerē et plagis hujúsmodi sanctius? quid eis salúbrius? ex quibus salus nostra procéssit, et in quibus assíduē se possunt curáre ánimæ devotórum? Licet igitur

Láncea et Clavi prædícti, aliáque ipsius passiónis salutária instrumenta sint a cunctis fidélibus Christi ubílibet veneránda, et de ipsa étiam passióne in eádem Ecclésia solémnia annis síngulis officia celebréntur et fiant; dignum tamen et convéniens reputá-
mus, si de ipsius passiónis speciálibus instrumentís, et præsertim in pártibus, in quibus instrumenta ipsa dicúntur habéri, solémne ac speciále festum celebrétur et fiat; nosque illos fidéles Christi, qui álqua ex instrumentís ipsius habére se gáudent, in eórum devotióne, divínis officiis atque muneribus speciáliter foveámus.

R. Dicétur ei: Quid sunt plagæ istæ in médio mánuum tuárum? Et dicet: * His plagátus sum in domo eórum, qui diligébant me.

V. Nisi vídero in mánibus ejus fixúram Clavórum, non credam. * His plagátus sum.... Glória.... * His plagátus....

In tertio Nocturno.

Añã. Foderunt manus meas et pedes meos, dinumeravérunt ómnia ossa mea.

Psalmus 95.

CANTATE Dómino cánticum novum: * cantate Dómino omnis terra.

Cantate Dómino, et benedicite nómini ejus: * annuntiáte de die in diem salutáre ejus.

Annuntiáte inter gentes glóriam ejus: * in ómnibus pópulis mirabilia ejus.

Quóniam magnus Dóminus et laudábilis nimis: * terríbilis est super omnes deos.

Quóniam ómnes dii géntium dæmónia: * Dóminus autem coelos fecit.

Conféssio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et intróite in átria ejus: * adoráte Dóminum in átrio sancto ejus.

Commovéatur a facie ejus univérsa terra: * dícite in géntibus quia Dóminus regnávít.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exúltet terra, commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exultábunt ómnia ligna silvárum a facie Dómini, quia venit: * quóniam venit judicáre terram.

Judicábit órbe[m] terræ in æquitáte: * et pópulos in veritáte sua.

Añã. Foderunt manus meas et pedes meos, dinumeravérunt ómnia ossa mea.

Añã. Nisi vídero in mánibus ejus fixúram Clavórum, et mittam dígitum meum in locum Clavórum, et mittam manum meam in latus ejus, non credam.

Psalmus 96.

DÓMINUS regnávít, exúltet terra: * læténtur ínsulæ multæ.

Nubes, et caligo in circuítu ejus: * justítia et judícium corréctio sedis ejus.

Ignis ante ipsum præcédet, * et inflammábit in circuítu inimícos ejus.

Illuxérunt fálgura ejus orbi terræ: * vidit, et commóta est terra.

Montes sicut cera fluxerunt a fácie Dómini: * a fácie Dómini omnis terra.

Annuntiavérunt cœli justítiam ejus * et vidérunt omnes pópuli glóriam ejus.

Confundántur omnes qui adórant sculptí-
lia: * et qui glóriántur in simuláceris suis.

Adoráte eum omnes Angéli ejus: * audí-
vit, et lætáta est Sion.

Et exultavérunt filiaë Judæ, * propter
judícia tua Dómine.

Quóniam tu Dóminus altíssimus super
emnem terram: * nimis exaltátus es super
omnes deos.

Qui dilígitis Dóminum, odíte malum: *
custódit Dóminus ánimas sanctórum suó-
rum, de manu peccatóris liberábit eos.

Lux orta est justo, * et rectis corde læ-
títia.

Lætámini justí in Dómino: * et confité-
mini memóriæ sanctificatiónis ejus.

Añã. Nisi vídero in mánibus ejus fixú-
ram clavórum, et mittam dígitum meum in
locum clavórum, et mittam manum meam
in latus ejus, non credam.

Añã. Infer dígitum tuum huc, et vide
manus meas, et affer manum tuam, et mitte
in latus meum.

Psalms 97.

CANTÁTE Dómino cánticum novum: * quia
mirabília fécit.

Salvávit sibi délixera ejus, * et bráchium
sanctum ejus.

Notum fecit Dóminus salutáre suum: *
in conspéctu Géntium revelávit justítiam
suam.

Recordátus est misericórdiæ suæ, * et
veritátis suæ dómui Israel.

Vidérunt omnes términi terræ: * salutáre
Dei nostri.

Jubiláte Deo omnis terra: * cantáte, et
exultáte, et psállite.

Psállite Dómino in cíthara, in cíthara et
voce psalmi: * in tubis ductílibus, et voce
tubæ córnæ.

Jubiláte in conspéctu Regis Dómini: *
moveátur mare, et plenitúdo ejus: orbis ter-
rarum, et qui hábitant in eo.

Flúmina plaudent manu, simul montes
exultábunt a conspéctu Dómini: * quóniam
venit judicáre terram.

Judicábit órbe terrárum in justítia, * et
pópulos in æquitáte.

Añā. Infer dígítum tuum huc, et vide manus meas, et affer manum tuam, et mitte in latus meum.

Ÿ. *Disciplína pacis nostræ super eum.*

R. *Et livóre ejus sanáti sumus.*

Léctio Sancti Evangéllii secúndum Joánnem.

Lectio VII. Cap. 19.

IN illo témpore: Sciens Jesus, quia ómnia consummata sunt, ut consummarétur Scriptúra, dixit: Sítio. Et reliqua.

Homilia S. Augustíni Epíscopi.

Tract. 120. in Joannem.

UNUS mílitum Láncea latus ejus apéruit, et contínuo exívit sanguis et aqua. Vigilánti verbo Evangéllista usus est, ut non diceret: latus ejus percússit, aut vulnerávit, aut quid áliud; sed, apéruit; ut illic quodámmodo vitæ óstium panderétur, unde Sacraménta Ecclésiæ manavérunt, sine quibus ad vitam, quæ vera vita est, non intrátur. Ille sanguis, qui fusus est, in remissionem fusus est

peccatórum. Aqua illa salutáre témperat poculum; hæc et lavácerum præstat, et potum. Hoc prænuntiábat, quod Noe in látere arcæ óstium fácere jussus est, qua intrárent animália, quæ non erant dilúvio peritúra, quibus præfigurabátur Ecclésia.

R. *Facta sunt hæc, ut Scriptúra imple-rétur: Os non comminuétis ex eo. Et íterum alia Scriptúra dicit: * Vidébunt in quem transfixérunt.*

Ÿ. *Effúndam super domum David, et super habitatóres Jerúsalem spíritum grá-tiæ et precum . . . Vidébunt . . .*

Lectio VIII.

PROPTER hoc prima múlier facta est de látere viri dormiéntis, et appelláta est vita, matérque vivórum. Magnum quippe significávit bonum, ante magnum prævaricatió-nis malum. Et secúndus Adam, inclináto cápite, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui revivíscunt! Quid isto sángine mún dius? Quid vúlnerè isto salúbrius? Facta sunt enim hæc, inquit, ut Scriptúra implerétur: Os non comminuét-

tis ex eo. Et iterum alia Scriptura dicit:
Vidébunt in quem transfixérunt.

R. Effúdam super domun David, et
super habitatóres Jerúsalem spíritum grá-
tiæ et precum, * Et aspícient ad me, quem
confixérunt.

V. Et plangent eum planctu, quasi su-
per unigénitum. Et aspícient. Glória. Et.

Lectio IX. de Homília Feriæ.

AD LAUDES

et per Horas.

Añã. 1. Unus mílitum láncea latus ejus
apérui, et contínuo exivít sanguis et aqua.

Psalm. Dóminus regnávít.

Añã. 2. Fodérunt manus meas et pedes
meos, dinumeravérunt ómnia ossa mea.

Añã. 3. Tres sunt, qui testimónium dant
in terra; spíritus, aqua, et sanguis: et hi tres
unum sunt.

Añã. 4. Quid turbáti estis, et cogitatió-
nes ascéndunt in corda vestra? Vidéte ma-
nus meas, et pedes meos, quia ego ipse sum.

Añã. 5. Infer dígitum tuum huc, et vide
manus meas, et affer manum tuam, et mitte
in latus meum.

Capitulum.

1. *Joan* 5.

CHARÍSIMI: Quis est qui vincit mundum,
nisi qui credit quóniam Jesus est filius Dei?
Hic est qui venit per aquam et sánguinem,
Jesus Christus, non in aqua solum, sed in
aqua et ságuine.

HYMNUS.

TINCTAM ergo Christi ságuine
Convértite in me cúspidem,
Feríte cor, pedes, manus,
Pœnam a nocénte súmite.

At, quæso, culpís débitas
Quas jure plagas fígitis,
Cruóre divíno fílitæ
Fiant medéla spíritus.

Sit gressus ad malum ímpotens,
Manus nocére désinant,
Omnísque corde e sáucio
Profánus ardor éxeat.

Clavis foráto et Láncea,
Jesu, tibi sit glória,
Cum Patre, et almo Spíritu,
Nunc et per omne sæculum. Amen.

Ÿ. Foderunt manus meas et pedes meos.

R. Dinumeraverunt omnia ossa mea.

AD BENEDICTUS.

Añã. Inglorius erit inter viros aspectus ejus, et forma ejus inter filios hominum. Iste asperget gentes multas.

ORATIO.

DEUS, qui in assumptæ carnis infirmitate Clavis affligi et Lancea vulnerari pro mundi salute voluisti: concede propitius; ut qui eorumdem Clavorum et Lanceæ solèmnia veneramur in terris, de glorioso victoriæ tuæ triumpho gratulemur in cœlis. Qui vivis.

AD PRIMAM.

In R. brevi. dicit. Ÿ. Qui vulneratus es pro nobis.

AD TERTIAM.

Añã. Foderunt.

Capitulum. Charissimi, ut supra.

R. Foderunt manus meas * Et pedes

meos. Foderunt. Ÿ. Dinumeraverunt omnia ossa mea. Et pedes. Glória Patri. Foderunt.

Ÿ. Quem tu percussisti, persecuti sunt.

R. Et super dolorem vulnerum meorum addiderunt.

AD SEXTAM.

Añã. Tres sunt.

Capitulum.

1. Petri 2.

FRATRES: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus.

R. Quem tu percussisti, * Persecuti sunt. Quem.

Ÿ. Et super dolorem vulnerum meorum addiderunt. * Persecuti. Glória..... Quem....

Ÿ. Ipse vulneratus est propter iniquitates nostras.

R. Attritus est propter scelera nostra.

AD NONAM.

Añã. Infer digitum.

Capitulum.

1. Petri 2.

QUI peccáta nostra ipse pértulit in córpore suo super lignum, ut peccátis mórtui, justítiae vivámus, cujus livóre sanáti estis.

R̄. Ipse vulnerátus est, * Propter iniquitátes nostras. Ipse . . . V̄. Attrítus est propter scélera nostra. Propter . . . Glória Patri. . . Ipse.

V̄. Disciplína pacis nostræ super eum.

R̄. Cujus livóre sanáti sumus.

IN II VESPERIS.

Omnia ut in 1. præter ultimum Psalm. cujus loco erit Crédidi, ut in folio 29.

AD MAGNÍFICAT.

Añá. Veré languóres nostros ipse tulit, et dolóres nostros ipse portávit: et nos putávimus eum quasi leprósum, et percussus a Deo et humiliátum.

FERIA SEXTA

POST DOMINICAM II. QUADRAGESIMÆ.

DE SACRATISSIMA SINDONE D. N. J. C.

DUPLEX MAJUS.

IN I. VESPERIS.

Añæ. et Capit. de Laudib. Psalmi de Dominica et loco ultimi Psalm. Laudate Dóminum omnes gentes.

HYMNUS.

GLÓRIAM sacræ celebrémus omnes
Síndonis; lætis recolámus hymnis,
Et piis votis monuménta nostræ
Certa salútis.

Quæ refert semper veneránda Sindon,
Sángine impréssis decoráta signis,
Dum Cruce ex alta tulit involútum
Corpus Jésu.

Réddit hæc sævos ánimo dolóres,